

Акафист святителю Митрофану, епископу Воронежскому



Кондак 1

Избранный чудотворче и изрядный угодниче Христов, многоцелбный источниче и молитвенниче о душах наших, святителю отче Митрофане, яко имеяй дерзновение ко Господу, от всяких

нас бед свободи зовущих:

Ра́дуйся, Митрофа́не, вели́кий и пресла́вный чудотво́рче.

Икос 1

Ангел земный и человек небесный был еси́, святителю́ отче Митрофа́не: вперив бо ум в Божественная, временная и земная пренебрегл еси́, темже и вселися в тя Пресвятый Дух, Его́же благодатию светло украшен еси́. Сего́ ради тебе́, на Небеси́ и на земли́ прославленному, вопием си́це:

Ра́дуйся, яко́ чистото́ю и святы́нею Ангелом уподо́бился еси́; ра́дуйся, яко́ постом и бдением безстра́стия дости́гл еси́.

Ра́дуйся, свети́льнице Божественнаго све́та; ра́дуйся, моли́тв благово́нное кади́ло.

Ра́дуйся, ве́рных непрело́жное утвержде́ние; ра́дуйся, неве́рных богому́дренное обличе́ние.

Ра́дуйся, христиа́н непосты́дное прибе́жище; ра́дуйся, благоче́стия стено́ необори́мая.

Ра́дуйся, кре́пкое корми́ло Це́ркве Христо́вы; ра́дуйся, непоколеби́мый сто́лпе Правосла́вия.

Ра́дуйся, апо́стольских преда́ний ве́рный храните́лю; ра́дуйся, таин Бо́жих и́стинный строите́лю.

Ра́дуйся, Митрофа́не, вели́кий и пресла́вный чудотво́рче.

Кондак 2

Ви́дяще от святы́х моще́й твои́х приснотеку́щий исто́чник исцелений, благоговения́ и ра́дости испо́лнени, благодарим Бо́га, дивно́ прославля́ющаго святы́я Сво́я, вопию́ще Ему́: Аллилу́иа.

Икос 2

Ра́зумом, просвеще́нным свы́ше, вразумля́я заблуждших, поборо́ник был еси́ и́стинныя Христо́вы Це́ркве, егда́ в ца́рствующем гра́де Москве́ суемудреннии лжеучители́е на собо́ре святительском отверзо́ша нечестивая уста́ сво́я на ея́ хуление́. Мы же от мы́сленных волко́в изба́вльшися, ве́рно взыва́ем ти:

Ра́дуйся, цевни́це Ду́ха Свята́го, бряца́ющая сла́ву Бо́жию во спасе́ние челове́ком; ра́дуйся, гро́ме, сокруша́яй ерети́ческое злочестие́.

Ра́дуйся, мо́лние, попада́ющая плевелы́ неве́рия; ра́дуйся, я́сное зерка́ло апо́стольских преда́ний.

Ра́дуйся, немол́чный благове́стниче велений Христо́вых; ра́дуйся, ве́рный наста́вниче богому́дрия.

Ра́дуйся, мона́шествующих сла́во; ра́дуйся, архиере́ев боже́ственное удо́брение́.

Ра́дуйся, златоза́рное свети́ло, просвеща́ющее зе́млю Ру́сскую; ра́дуйся, наде́жный хода́таю нам Ца́рствия Небе́снаго.

Ра́дуйся, яко́ твои́м к Бо́гу молением от а́да свобожда́емся; ра́дуйся, яко́ твои́м предста́тель-

ством райския жизни сподобляемся.

Радуйся, Митрофане, великий и преславный чудотворче.

Кондак 3

Силе Вышняго чудодѣствующей, никтоже притекаяй к тебе, преблаженне отче, отходит тощ: недугующим бо явился еси исцеление, слепым прозрение, хромым утверждение, и вси благовернии людие, скорога ты помощника стяжавше, радостно Богу воспевают: Аллилуиа.

Икос 3

Имеяй в сердце своем огонь любви Божественныя, спасения ради душ человеческих пастырски подвижался еси, богомудре, противу козней диавольских и победительным оружием креста разсекал еси сети лукаваго, яко паучину. Темже прими от нас песнь сию:

Радуйся, рабе Божий, благий и верный; радуйся, достойный делателю вертограда Христова.

Радуйся, учителю смирения и целомудрия; радуйся, образе кротости и послушания.

Радуйся, мужу желаний; радуйся, Проповедниче чудес Божиих.

Радуйся, наставниче дел добрых; радуйся, твердое ограждение Христова Церкви.

Радуйся, огневидный столпе, наставляяй на путь спасения; радуйся, светозарный светильниче, верныя просвещаяй.

Радуйся, неизчерпаемый сосуде благодати Христова; радуйся, чистое приютелище Духа Святаго.

Радуйся, Митрофане, великий и преславный чудотворче.

Кондак 4

Бурю мирскаго жития и тяжелоносныя страстей волны прешед, обрел еси тихое пристанище и, в пустыню вселився, неленостно работал еси Христу во мнозе долготерпении. Отнюдуже руководил еси в Царствие Божие и духовная чада своя, научив их едиными усты и единым сердцем пети Богу: Аллилуиа.

Икос 4

Слышаще дивныя о Бозе труды твоя, святителю отче Митрофане, прихождаху к тебе издалеча жаждущии глаголов живота вечнаго: понеже ты учил и творил еси, наставлял словом и житием своим. Сего ради любовью вопием ти:

Радуйся, апостолов преемниче; радуйся, святителей сопредстольниче.

Радуйся, преподобных собеседниче; радуйся, праведных украшение.

Радуйся, венче воздержания; радуйся, благосеннолиственное древо, потоками райскими воспитанное.

Радуйся, беспомощных спасительное призрение; радуйся, цвете нетления.

Ра́дуйся, яко отчуждѣнием временных благ стяжал еси блаженство нищеты духовныя; радуйся, яко самовольным обнищанием обрел еси сокровище благ вечных.

Ра́дуйся, яко во глубину смирения приникл еси; радуйся, яко на высоту безстрастия возшел еси.

Ра́дуйся, Митрофане, великий и преславный чудотворче.

Кондак 5

Боготечней звездѣ, путеводившей древле волхвов к праведному Солнцу, подобен был еси, всехвально отче, сам восходя благодатию Божию от силы в силу, и приводя с собою ко Христу Богу всех ищущих спасения. Темже и мы, немерцающим сиянием славы твоея озаряеми, согласно вопием Ему: Аллилуиа.

Икос 5

Видевше в тебе воронежстии людие перваго архипастыря, яко Ангела, знамение небесныя благодати носяща, возрадовашася радостию неизглаголанною: ты же, добре внимая себе и всему стаду, в немже ты Дух Святыи постави епископа, посл еси усердно Церковь Господа и Бога, яко слово воздати хотя. Сего ради ублажаем тя, отче Митрофане, зовуще:

Ра́дуйся, челове́че Божий, преподобием, аки поясом златым, препоясанный; радуйся, друже Христов, святительством, аки бисером драгим, преукрашенный.

Ра́дуйся, воине Христов непобедимый; радуйся, страже дома Божия неусыпный.

Ра́дуйся, восхождения в сердце своем к Небеси положивый; радуйся, словесныя овцы Христовы на живоносных пажитях воспитавый.

Ра́дуйся, яко не попустил еси душетленному зверю расхитити стадо твое; радуйся, яко от Небеснаго Пастыреначальника праведное воздаяние приял еси.

Ра́дуйся, возлюбивый благолепие дому Божия; радуйся, в самом себе храм Триипостасному Божеству уготовавый.

Ра́дуйся, яко во умерщвленном телеси ризою нетления одеян еси; радуйся, яко из гроба зарею безсмертия нас осияваеши.

Ра́дуйся, Митрофане, великий и преславный чудотворче.

Кондак 6

Словес евангельских, еже не скривати себе сокровища на земли, верный блюститель показался еси, всеблаженне Митрофане, егда достояние свое мудре расточил еси, снабдевая убогих и пособствуя благоверному императору Петру в сооружении кораблей на побеждение неверных агарян, не ведущих пети: Аллилуиа.

Икос 6

Воссия царству православному благодотворный свет великих добродетелей твоих, святителю отче Митрофане, о нихже благодаряще Отца Небеснаго, к тебе яко к присному о нас молитвеннику, взываем сице:

Ра́дуйся, наставниче целомудрия; ра́дуйся, смирения Христова истинный подражателю.

Ра́дуйся, олтаря Господня благоговейный служителю; ра́дуйся, святителей украшение.

Ра́дуйся, иноческого равноангельного жития ревнителю; ра́дуйся, безмолвия древних богоносных отец подражателю.

Ра́дуйся, милости струе неизсякаемая; ра́дуйся, благоутробия хранилище неоскудное.

Ра́дуйся, сирых благонадежное пристанище; ра́дуйся, вдовиц скорое заступление.

Ра́дуйся, множество душ уневестивый Христу; ра́дуйся, купно с ними пребываая в радости Господа твоего.

Ра́дуйся, Митрофане, великий и преславный чудотворче.

Кондак 7

Хотящу некогда благоверному императору Петру беседовати с тобою, призван был еси во двор царский: егда же внезапно узрел окрест его изваяния языческая, абие возвратился еси вспять, не убоясь прещения царева, и готов был еси душу свою положить паче, неже растлiti мысленныя очи сердца своего неподобным видением, научая верных единому живому Богу пети: Аллилуиа.

Икос 7

Новаго ты по благочестию ревнителя познав благоверный царь и видя небоязненное твое на смерть изволение, повеле светная изваяния низринути. Мы же святому дерзновению твоему чюдящися, вопием:

Ра́дуйся, непреклонный исповедниче Православия; ра́дуйся, ревностный защитниче благочестия.

Ра́дуйся, священнотайниче благодати; ра́дуйся, велегласный проповедниче покаяния.

Ра́дуйся, апостолов немолчная уста; ра́дуйся, Церкви непоколебимый столпе.

Ра́дуйся, пастырю добрый; ра́дуйся, яко непричастен явился еси лицепрятю.

Ра́дуйся, яко истину не обинуяся свидетельствовал еси; ра́дуйся, яко твоим пособием сокрушаются козни вражия.

Ра́дуйся, яко всем верным воспоминание твое пресладко; ра́дуйся, яко всей Церкви Христовой имя твое пречестно.

Ра́дуйся, Митрофане, великий и преславный чудотворче.

Кондак 8

Странное и преславное чудо благодати небесных является ныне во очию всех верных: долготерпеливый и многомилостивый Господь не прогневался на ны до конца за беззакония наша, но, помянув щедроты Своя, дарова нам тебе, досточудне отче, заступника изрядна, тако вознесе рог спасения нашего, да выну поем Ему: Аллилуиа.

Икос 8

Весь еси в вышних, но и нижних не оставляеши, святителю отче Митрофане, присно со Христом царствуеши, и о нас грешных молитвы к Немю возсылаеши: не тобою бо припадающих к цельбоносным мощам твоим, но и далече отстоящих, призывающих же всечестное имя твое, предстательством твоим соблюдаеши от всякаго зла. Темже во умилении зовем ти:

Радуйся, прибежище наше во всех скорбех; радуйся, скорый помощниче всех в бедах сущих.

Радуйся, целителю болезней душевных вкупе и телесных; радуйся, на невидимые враги наша сильный поборниче.

Радуйся, посетителю в немощи лежащих; радуйся, утешителю в бедах сущих.

Радуйся, яко тобою престаёт рыдание; радуйся, яко тобою подаётся радость.

Радуйся, яко Христу доблественно последовал еси; радуйся, яко Сладчайшему Иисусу до конца послужил еси.

Радуйся, яко наслаждаешься лицезрения Божия; радуйся, яко сподобился еси зрети не вечерний день Царствия Его.

Радуйся, Митрофане, великий и преславный чудотворче.

Кондак 9

Всякия скорби и труды доблественно претерпел еси, шествуя по пути спасения до маститы старости, облечен во всеоружие Божие, во плоти аки безплотен, умерщвляя страсти и сокрушаая наветы миродержителя тьмы века сего. Темже Небесным сопричислен силам, купно с ними воспеваеши Богу: Аллилуиа.

Икос 9

Ветии многовещаннии недоумеют изобразити обилия любве твоея, еюже, отходя к Творцу, преисполнен был еси к чадом твоим о Господе: восхотев бо и по отшествии своем присно поучати их, яко живый, завещал еси им вся потребная ко спасению. Сего ради из глубины сердец вопием ти:

Радуйся, благочестно течение скончавый; радуйся, веру соблюдый всецелу.

Радуйся, оружием благоволения Божия венчанный на земли; радуйся, венцем нетления украшенный на Небеси.

Радуйся, долу величием чудес блистающий; радуйся, горе лучами Трисолнечнаго Света осияваемый.

Радуйся, яко в пресветлых райских обителях вселяешься.

Радуйся, яко лицем к лицу Божественнаго света причащаешься.

Радуйся, яко с небесных высот на мольбы наша призираеши; радуйся, яко в сониях и видениях во благо нам являешься.

Радуйся, яко молитвами твоими от вечныя смерти свободяемся; радуйся, яко предстатель-

ством твоим безконечныя жизни сподобляемся.

Радуйся, Митрофане, великий и преславный чудотворче.

Кондак 10

Иже всем человеком хотяи спастися и в разум истины прийти, Господь и Бог наш Иисус Христос явил нам нетленное тело твое на земли, яко живоносную купель, врачующую всяку болезнь и всяку язю в людех. Темже благодарственно вопием Ему: Аллилуиа.

Икос 10

Стена еси спасения прибегающим к тебе, святителю Митрофане, и в бываемых от тебе знамениях, исповедающих величие Божие. Сего ради, ущедрени твоим чудодейственным о нас ко Христу Богу ходатайством, вопием ти:

Радуйся, царей благочестивых поборниче; радуйся, архиереев православных укрепление.

Радуйся, царства православнаго защитниче; радуйся, Церкви святей утверждение.

Радуйся, прежде смерти умертвивый плоть свою; радуйся, предвкусивый жизнь вечную, прежде внития в селения райская.

Радуйся, умерый миру прежде кончины твоея; радуйся, воскресый духом во Христе, прежде успения твоего.

Радуйся, яко от обители земныя во Обитель Небесную преселился еси; радуйся, яко от Обители Небесныя во обители земныя благотворя нисходиши.

Радуйся, яко и по отшествии твоём с нами пребываеши.

Радуйся, яко и по умертвии твоём умерщвленные грехми души молитвами твоими оживляеши.

Радуйся, Митрофане, великий и преславный чудотворче.

Кондак 11

Пение, приносимое ныне, аще бы и превыше человеческого было, не довлело бы к Славословию Бога, даровавшего тебе благодать исцелений. Сего ради недоумюще благохвалити его по достоянию, смиренномудренно вопием: Аллилуиа.

Икос 11

Светоподательна светильника, просвещающего души наша верою, видим тебе, преблаженне отче, пред Престолом Божиим стояща, и твоим блистанием озаряеми, зовем ти таковая:

Радуйся, пастырю предивный; радуйся, учителю премудрый.

Радуйся, столпе веры непоколебимый; радуйся, насадителю благих.

Радуйся, чистоты селение; радуйся, печальных утешение.

Радуйся, сырых питателю; радуйся, обидимых представителю.

Ра́дуйся, премудрости Божия приятелище; ра́дуйся, исто́чнице неизчерпа́емая благода́ти исцелений.

Ра́дуйся, провозвѣстниче Божественных велений; ра́дуйся, сокровище милосердия Божия неистощимое.

Ра́дуйся, Митрофа́не, вели́кий и пресла́вный чудотво́рче.

Кондак 12

Благода́ть, свѣше ти да́нную позна́вше, благоговѣ́но лобыза́ем святоле́пное изображе́ние всечестна́го лица́ твоего́, е́же благоволи́л еси́ дивно я́вити нам. Те́мже благодарственнó вопи́ем Христу́ Бо́гу на́шему: Аллилу́иа.

Икос 12

Пою́ще твоѐ к Бо́гу отше́ствие, святителю́ Митрофа́не, почита́ем священную па́мь твою́, велича́ем ре́вность по Бо́зе, хва́лим долготерпѣ́ние, сла́вим незло́бие, и ублажа́ем кончи́ну твою́: на сме́ртнем бо одре́ возлежа́, желанием возжелал облещися в вели́кий а́нгельский о́браз, наречѣ́н был Мака́рием, блаже́нства тезоименитым, блаже́н быв воистинну, я́ко Ца́рствие Небе́сное насле́довал еси́. Те́мже моля́щеся усердно, о е́же сподо́битися и нам неосужде́нно предста́ти на Стра́шное суди́ще Христо́во, взыва́ем ти:

Ра́дуйся, у Престо́ла Божия те́плый о нас предста́телю; ра́дуйся, му́жу желаний, просла́вивший Бо́га в телеси́ и в душе́ своѣй.

Ра́дуйся, добропобе́дный воине́ Царя́ Небе́снаго; ра́дуйся, вождю́ премудры́й рату́ющим проти́ву сил а́довых.

Ра́дуйся, я́ко с горя́щим свети́льником сре́тил еси́ Христа́; ра́дуйся, я́ко от Него́ благода́ть исцелений прия́л еси́.

Ра́дуйся, я́ко благоволе́нием Пресвяты́я Богоро́дицы возвели́чен еси́; ра́дуйся, я́ко во све́тлостех святы́х пребыва́еши.

Ра́дуйся, я́ко со проро́ки и апо́столы ликовству́еши; ра́дуйся, я́ко со святители́ и му́ченики просла́влен еси́.

Ра́дуйся, я́ко с преподо́бными и пра́ведными весели́шися; ра́дуйся, я́ко со все́ми избра́нными Божиими при́сно торжеству́еши.

Ра́дуйся, Митрофа́не, вели́кий и пресла́вный чудотво́рче.

Кондак 13

О вели́кий и пречу́дный о́тче Митрофа́не, прими́ благоутро́бно си́е ма́лое моле́ние на́ше, и твои́м благоприятным ходата́йством изба́ви нас от всех враг ви́димых и неви́димых, от вся́кия напа́сти и ско́рби, от напрасны́я сме́рти и бу́дущия му́ки, да сподо́бимся с тобо́ю и со все́ми святы́ми во ве́ки воспевати́ Бо́гу Спасителю́ на́шему: Аллилу́иа.

(Этот кондак читается трижды, затѣм икос 1 и кондак 1)

Моли́тва 1-я

О святителю́ о́тче Митрофа́не, се мы грѣшнии, нетлѣниемъ честныхъ мощей твоихъ и многими благодеяньми, чудѣсно содеянными и содеваемыми тобою, увѣрившися, исповѣдуемъ, яко́ имаши велию́ благодать у́ Господа́ Бога́ нашего, и всемирѣнно ко́ твоему́ благосѣрдию припадающе, тебѣ́ молимся́ си́це: моли́ о нас Христа́ Бога́ нашего, да низпослетъ всемъ чтущимъ святу́ю па́мь твою́ и усѣрдно к тебѣ́ прибегающимъ богатыя́ милости Своѣ; да утверди́т во святей Своей Правосла́внѣй Цѣркви живы́й духъ пра́выя вѣры и благоче́стия, духъ вѣдения и любве́, духъ ми́ра и ра́дости о́ Ду́се Святе, да вся ча́да еѣ́, чи́ста су́ща от мирскихъ искуше́ний и плотскихъ по́хотей и злаго́ де́йствия злыхъ духо́в, ду́хом и истиною́ поклоня́ются Ему́, и усѣрдно о́ соблюде́нии за́поведей Его́ ко спасе́нию душъ своихъ да потща́тся. Па́стыремъ еѣ́ да дастъ Госпо́дь святу́ю ре́вность попече́ния о спасе́нии люде́й, во е́же неведе́ющия просвети́ти, неве́дущия наста́вити, сомня́щияся вразуми́ти, отпа́дшия от Правосла́внѣй Цѣркве к ней возврати́ти, ве́рующия в ве́ре соблюсти́, грѣшны́я на пока́яние подвигну́ти, ка́ющияся утѣши́ти и во испра́влении жи́зни утверди́ти, и та́ко вся лю́ди ко́ угото́ванному ве́чному Ца́рству́ святы́хъ Его́ приве́сти. Умоли́ Господа́, уго́днице́ Христовъ: ве́рныхъ рабо́въ Его́, в ско́рби и печа́ли день и но́щь вопи́ющихъ к Нему́, многоболе́зны́й вопль да услы́шит и да изведе́т от поги́бели живо́т нашъ. Всемъ же в держа́ве лю́демъ да да́руетъ благо́й Богъ нашъ миръ, ти́шину, безмяте́жие и изоби́лие пло́довъ земныхъ, па́че же ко́ исполне́нию за́поведей Его́ тща́ние неле́ностное; и да изба́витъ ца́рствующия гра́ды, градъ сей и вся ины́я гра́ды и ве́си, от гла́да, тру́са, пото́па, огня́, мечá, нашества́ иноплеме́нных, междоусобны́хъ бра́ни, смертоно́сныя я́звы и от всяка́го зла. Ей, святителю́ Бо́жий, да устроиши моли́твами твоими́ вся благо́я душáм и телесе́мъ нашимъ; да и мы просла́вимъ в душа́хъ и телесе́хъ нашихъ Господа́ и Бога́ нашего, Иису́са Христа́, Ему́же со́ Отце́мъ и Святы́мъ Ду́хомъ сла́ва и держа́ва во ве́ки веко́в. Ами́нь.

Моли́тва 2-я

О святителю́ о́тче Митрофа́не! Приими́ сие́ ма́лое моле́ние от нас, грѣшныхъ рабъ Бо́жихъ (имена́), к тебѣ́ прибегающихъ, и те́плымъ твоимъ предста́тельствомъ умоли́ Господа́ и Бога́ нашего, Иису́са Христа́, яко́ да пода́ст нам согреше́ний нашихъ проща́ние и изба́витъ нас от бедъ, печа́лей, ско́рби и боле́зней душе́вныхъ и телесе́ныхъ, обдержа́щихъ нас; да пода́стъ вся на по́льзу настояща́го жити́я нашего́ потре́бная; да да́руетъ нам сконча́ти жити́е сие́ привре́менное в пока́янии и да сподо́битъ нас, грѣшныхъ и недостойныхъ, Небе́снаго Ца́рствия Своего́, во е́же со́ все́ми святы́ми сла́вити Его́ безконе́чное милосѣ́рдие, со Безнача́льнымъ Его́ Отце́мъ и Святы́мъ и Животворя́щимъ Его́ Ду́хомъ, во ве́ки веко́в. Ами́нь.